

京山縣志卷之一

輿地

申畫郊圻慎固封守斗大山城民命攸託守土者所當留心也京邑北盡層巒疊嶂道通隨州北之東界連德安南則複嶺紛歧橫亘三十餘里又南之東則為竟陵言山之竟也即天門縣南之西至漢水接壤荆門之沙洋鎮東達鄂省西隣郡城路稍平坦週圍約六百里春秋伍員覆楚由冥阨即應山縣五戰而及郢都蓋走雍滋即下洋港而至當陽即麥城遂及於楚都郢

京山縣志

卷之一 輿地

一

即江陵縣京山實為荊州右臂甲寅變亂以來賊由應城至宋河最後捻逆大股即由應山德安至宋河又由隨棗東下而至宋河疊次犯城豈得以僻在山陬不關衝要歟志輿地

疆里東西廣二百五十五里南北袤一百八十里在省城西北陸路五百七十里水路八百六十里由縣治達京師陸路三千二百七十五里水路由長江入清江浦運糧河而至北通州到京六千七百七十里 東至潘家場應城縣界六十里西至盤山嶺鍾祥縣界一百一十五里南至

橫路天門縣界六十里北至漢東橋隨州界一百二十五里 東到應城縣治一百二十里西到安陸府治一百五十里北到隨州治二百里南到潛江縣治二百里南東到天門縣治九十里西南到荊門州治二百五十里北西到棗陽縣治三百三十里北東到安陸縣治一百八十里 王太僕舊論曰富水京山千載對峙何至於宋而卒併於一乎及諦觀縣境四界雖云曠達而山谷所據十幾八九耕毛之地僅見露於叢薄湍流之間鄙諺有之三山六水一田非虛語也近世論者不究本末乃欲妄生窺伺擅易

封掌事已報寢姑錄之以見其愚

星野

春秋文耀云荆屬衡隋志云二主楚星經云玉衡第四星主荆以五卯日候之

尙書考靈耀云東南陽天其星張翼軫越絕書云楚故治郢今南郡南陽汝南淮陽六安九江廬江豫章長沙翼軫也天官書漢志并云翼軫荆州晉志云自張十七度至軫十一度爲鶉尾於辰在巳楚之分野屬荆州費直周易分野楚張十三度蔡邕月令章句起張十二度陳卓范蠡鬼谷子諸葛亮譙周京房張衡並曰南郡入翼十度江夏入

京山縣志

卷之一 輿地

三

翼十二度唐志云星紀鶉尾以負南海其神主於衡山又云初張十五度餘千百九十五秒二十二太中翼十二度終軫九度自房陵白帝而東盡漢之南郡江夏東達廬江南郡濱彭蠡之西得長沙武陵又踰南紀盡鬱林合浦之地自沅湘上流西達黔安之左皆全楚之分古荆楚鄖都羅權巴夔與南方之國又云江陵峽歸夔醴朗復郢襄房爲鶉尾分

天官書云辰星仲夏夏至夕出郊東井鬼與柳東七舍爲楚又云吳楚之強候於熒惑占於鳥衡星經云熒惑主霍

楊荆交四州晉志云牛女間十六星魏西一星曰楚宋西朝天文志云天市垣西垣第二星曰楚星書云五車中央一星主楚

元志云鄂州北極出地三十一度半

天官書漢志并云江淮之間氣皆白徒白氣也

明通紀星志南郡入翼十度正德二年卿雲見於翼軫世宗誕生斯土入繼大統占者曰此楚分野也

論曰志天文者數十家殊同相錯故七緯歲差百王代變往者勞乎不同而欲古今一局事已乖戾又況蕞爾

京山縣志

卷之一 輿地

四

縣壤不當天下千分之一乃亦參之經緯運行之間瑣矣惟夫卑高異位上下一理古人于婚禮土功必候天心而視息耗入其國邑視封疆田疇之正治城郭宮室之潤澤以至車服畜產之菁華莫不驗虛實以定吉凶而修德修敕修禳之政行焉司人牧者欲宣和氣相物宜使天人協應象曜順軌豈遠求哉蓋亦由一邑而天下有餘用矣

形勝

縣居眾山之中東抵德安南抵景陵西抵安陸北抵隨州

山路崎嶇東西北三路皆不通舟惟縣南小河名縣河春
夏水溢可通景陵縣屬蒿臺湖入漢江

京山縣志

卷之一 輿地

五

祥異

宋天聖三年冬水暴漲漂没人畜縣令唐用之溺死
元至治元年九月京山漢水溢

明天順二年戊寅旱

成化二十三年丁未大旱

宏治十五年壬戌大旱饑

正德三年戊辰大旱饑

正德十五年庚辰惠亭馬鞍諸山產白兔

正德十六年辛巳呂府三里產嘉禾

京山縣志

卷之一 祥異

一

嘉靖七年戊子大旱饑

嘉靖九年庚寅雙峰山松山甘露降

嘉靖十一年壬辰鴨嘴山南產靈芝

嘉靖十六年丁酉洩水溢壞民舍溺死人畜甚眾

嘉靖三十年辛亥大水

嘉靖三十九年庚申漢水溢

天啟二年壬戌大水漂沒廬舍數百處溺民畜甚眾

城壞數十丈城內高家塌溺死男婦數百餘

詳見
城池

崇禎二年己巳大旱饑

崇禎六年癸酉彭楊畷民家溝中蛇出長六尺圍尺許身紅綠色六足如鷄距不噬人郝楚望曰肥蠘也主千里旱果驗

崇禎九年丙子縣北沙河姚家產牛一身二頭

崇禎十年丁丑縣西羊祜嶺有石自行五十餘步

崇禎十一年戊寅甘露降學宮松及郝給諫香葉亭前古柏上

崇禎十四年辛巳大旱赤地千里秋蝗蝻爲災斗米千文民食樹皮草根榆桐皮芡實諸粉鬻於市每

升價至五十文死者相望

崇禎十六年癸未十二月除夜天大雨迅雷乙酉之春闖賊自關陝拔營南下盤踞郡邑屠戮無虛刻居民避山砦潛林莽者三月餘粒米不可得草根樹皮不敢出採北山一帶至有膾人肝而食者幸王師雲驅電掃拯子遺于萬死一生之中鵠面鳩形始得就青麥以爲糧凡今日之蕃衍皆

盛朝之全活也否則旬日內盤踞如故數百萬生靈無噍類矣

國朝

順治九年壬辰大旱饑

順治十八年辛丑大旱

康熙四年乙巳正月小東門內火延燒城隍廟並民房一百八十餘間

康熙十三年甲寅大旱饑

嘉慶間有人于某山麓墾田得白骨數瓮形段壯偉醫者汪大安曰龍骨也盡取之

道光間邑南張姓有老椿折于狂風主人用作曬杆

京山縣志

卷之一 祥異

三

旋作屋櫺屋壞用作籬柱數月忽發芽生枝日益茂盛

道光六年丙戌邑北賈店麥穗兩歧

道光十三年甲午大旱次年蝗

道光十八年己亥狼食人

咸豐初邑東黃姓產豬一身二頭二眼

咸豐三年癸丑七月中旬彗星現于西北

咸豐四年甲寅縣境數處塘水上溢踰時乃定

四月初旬武廟聖像面忽汗流大刀中折周將軍

神像亦無故自撲至五月初四城陷

秋大有

咸豐六年丙辰大旱蝗江漢爲涸縣境大饑民間有食土者名曰觀音土合熟水調之與米粉相似但土性善墜食之每患下重之疾

同治元年壬戌八月十五日月合璧五星聯珠

同治二年癸亥城西星隕如雨隱隱有聲

同治三年甲子邑東王姓宅後桃樹結李實

同治四年乙丑邑北鄉雨豆其色黑九月天有白氣

京山縣志

卷之一 祥異

四

少間星隕如雨捻髮各逆在安徽英霍一路投降爲滅賊之兆

同治六年丁卯邑北地生毛或黑或白長者尺許

同治七年戊辰邑東三里墻李姓宅旁栗樹結桃子數枚高家冲有香花藤長出長柄大刀形式酷肖

同治十二年癸酉高沙團隕石數處色黑如鐵探之炙手有重至數十斤者

光緒四年戊寅大旱漢水可徒步而過

光緒五年己卯邑北地動水上湧六月太白晝現十

一月十五日雷電大雨

光緒七年辛巳元旦甲子大有年斗米百文

趙家畝周姓產牛三足前二足後少右一足考山

海經名曰獬

六月彗星現于西北

祥異補

明正德七年大旱饑

正德十年冬十一月桃李華

嘉靖二年大旱饑

京山縣志

卷之一 祥異

五

嘉靖二十四年產嘉禾一莖三穗

嘉靖四十二年七月甘露降於學宮古柏

隆慶十六年大饑

隆慶十七年大旱紅花峪產白雉

隆慶二十五年大水

隆慶二十九年大旱

天啟七年二月雨黑豆四月雨血大風寒氣如冬

崇禎十年正月日光摩盪五月蝮渡河入民居遍野

害稼

京山縣志卷之一

山

縣固山鄉然都不見山海經大抵派起桐栢而衍於大洪迤邐東南行東盡應城南盡景陵皆以縣界爲斷其外雖有山岡阜廻複耳無復縣之萃嶽矣

縣治

鳳凰山 在縣治南百步許相傳虞帝時有鳳凰集此因名今平行不類山形但視他處微隆起其上爲城隍廟
縣東之山

京山縣志

卷之一 山

一

京源山 隋改角陵曰京山義取此去縣十五里其上故有寺寺傍石窟下有石刻近體詩十首以巖枯草莖瘦水清魚影寒爲韻今寺廢刻亦無存明嘉靖初山下猶有塔皆寺之故物也

滴水巖 去縣東北五里其山與京源並峙而巖在其麓劃爲石室可容數榻前臨溪水亦擅花竹之勝舊有道
人張憇居之郝楚望過訪匾其洞曰佳士巖

扶兒嶺 去縣東北二十里其上多蹲石徑道欹仄昔有
老父扶兒過此因名

觀音巖 在縣東二十里頂有瀑泉分流四派灌田數百頃其石壁峭立殊詭百狀洞數處皆高敞如屋有古娑羅池池北構亭曰爽心亭志一統觀音巖古木峭壁飛瀑

競響有李寧園今廢

榮木堂集

觀音巖乃京山之枝旃巖足

洞空天然海屋石浪波疊僧人支架度成佛殿尙有餘巖覆殿之外西隅有樹一株大百圍生巖中色幹與石無二而其枝葉盤引洞外還蔽殿宇可數畝蔭所謂枕榔木也殿外東隅有娑羅樹一株亦大百圍去娑羅二丈許又有榔樹一株大亦適等其根幹輪困離奇細葉

京山縣志

卷之一山

二

卷翠不可名狀山下石碑刻百丈泉三字書法甚穠壯

旁款曰劉崙書而其泉乃在山上

許續曾滇行紀程

城子山 縣東二十五里其山有古城

申公嶺 在縣東爲申包胥故里

禪房山 縣東四十里其上故有禪房院宋程祁嘗遊之上有詩以唐詩禪房花木深爲韻今廢

林泉山 爲應城縣五龍河源所出東南入應城縣界

通志

團山 在縣東南四十里有大小二山爲京山天門接界處大團山產石爲遠近取用上有雞子寺

大月山 縣東五十里望之正圓肖滿月故名

靈濟山 縣東五十里與大月對峙其山有廟其神靈濟

縣東大山盡此顧僉事璞詩曰路入應城山脉斷蓋謂是也

梅花嶺 縣東五十里

馬耳山 縣東六十里形類馬耳為應城毛家河石子河

源所出 通志

五寶巖 縣東六十里千佛寺之背山有五峰故曰五寶

而師故泉從寺下北流逕之巖高數十丈廣二百步上

京山縣志 卷之一 山 三

輕下軒多草木為鷹所巢樵蘇者引盼終不能一躡有

小石倒綴者甚多近人採作假山秀瑩可愛 光緒六年庚辰徽人

余利賓赴司稟請採銅試辦將及一年苗色明潤而煎分却不成銅恐徒費工本云

穿洞 去五寶巖里許一山蜿蜒東行屈而相對劃為兩

洞皆透徹山背長一箭許兩洞之陰有陂諸谷水所匯

前後皆稻田土人欲灌注則決陂貫北洞而出既足又

貫南洞而出牧豎田叟往往行其中以為常其上又為

大道行旅駐足空中而不知亦東北一奇觀也

常家洞 在穿洞東深三丈廣二丈門遡清溪有僧數輩

就洞架屋爲廬

東龍尾山 縣東南五十里與西龍尾並蜿蜒象龍躍方輿紀要曰一名龍穴山山旁有龍穴又有二石室曰前觀後觀

高山洞 去縣東南四十五里嶺岑峻險中腹竇而空明末乙酉之亂自春徂夏合五十里內外之家幾萬人避焉洞壁有詩句亦前代避兵人題漫漶不可讀若小泉諸洞上無氣眼後無洞門不便樵汲青草烟一炬而生靈坐斃矣可不戒哉

京山縣志

卷之一山

四

旂山 縣東北八十里

白沙山 在縣東北六十里通志白沙水出焉輿地紀勝

中盤山 在縣東一百五十里石徑盤旋道出其中方輿紀要
縣南之山

惠亭山 縣南一里一名鴨嘴一名鳧山太平寰宇記山上有石如鴨喙也舊有廟相傳宋王安石嘗尉縣有惠政後人思之而立廟

馬鞍山 去縣南二十里形類馬鞍故名

空山洞 去縣南二十五里山玲瓏通透而洞在山中高

廣如數間屋門有石鼓擊之鏗然中有石鏡臺昔有人秉燭入遊約二里許見大河奔湍甚急乃還

天目山 縣南三十里有石磴紆折而登上有天目觀鹿角坡 去縣南三十里其上有怪石似鹿角故名

子陵山 縣南六十里相傳嚴子陵嘗隱此按子陵會稽餘姚人漢書本傳云除爲諫議大夫不屈乃耕於富春山後人名其釣處爲嚴陵灘顧野王云桐廬縣南有子陵釣處桐廬今嚴州縣與此無涉豈當光武卽位子陵變姓名隱此歟然漢書又但云齊國上言有一男子披

京山縣志

卷之一 山

五

羊裘釣澤中不言其入楚以理計之縣與南陽相近若光武未卽位時與子陵遊學至此則或然矣富水郡志謂郡有龍興寺在城南八十里舊傳光武尋嚴光至此而返斯其証歟又按宋史理宗紀淳祐十二年二月元兵攻隨郢安復京西馬步軍副總管馬榮戰於子陵大脊山見於正史尤爲有據

城頂山 明末闖賊亂邑增生李哲聚族築城於山頂拒賊被獲逼從哲大言寧作朱家鬼不爲賊子官因遇害族中同死者甚眾因以名山

趙橫山 在縣西南四十里

黑龍洞 在趙橫寺西南泉自洞中流出灌注趙橫之陽
腴田數十頃洞亦可入嘉靖三十九年府同知潘德元
遊其處使人持炬進涉兩灘令外人呼之則應聲在數
十步外暗不可往乃止

仙女洞 去縣西南三十里洞在山腰峭壁造天頂高二
丈濶亦如之洞口有鏡臺粧臺火窖相傳皆仙娥所遺
遊者或題長句云粧臺夜月空懸鏡火窖春風不動烟
按地輿紀勝仙女洞在京山縣南三十里洞門三建炎

京山縣志

卷之一山

六

中有道人入遊數日而出乃隨州也

纂子山在縣南六十里僧竟脫卓錫於此泉水涌出

通志

王莽洞 縣南五十里洞門南入北出其上有穴通明可
宴百客縣諸洞皆有沁滴惟此中燥潔冬月帷帳而臥
不異室屋俗傳王莽經此

湖山 爲天門縣柳家河源所出

七寶山 在縣南五十里有黑龍洞滋水巾水出焉

通志

吳

志云其上產銅鐵宋嘗於此爐鑄兵器以鑿色雜而止
小泉洞 在邑西南五十里柳門口內廣敞可容數千人

河自內出崇禎九年賊逼南境生員李應命率土人避於其中賊果不能問積火厝薪燻焉凡在洞中者俱死有全宗俱絕者書之以誌戒

大脊山 在邑西南七十里宋史理宗紀淳祐十二年二月元兵攻郢安復京西馬步軍副總管馬榮戰於子陵大脊山卽此或云上有大人蹟故一名大蹟

佛指山 縣南七十里狀類人指

雁鳴山 世傳光武夜過此聞雁鳴因名

火門山 縣南八十里世傳光武夜舉光度此故名唐陸

京山縣志

卷之一山

七

羽廬火門山荆南節度使成汭保火門山皆此

天門山 卽西龍尾山與火門相對唐皮日休有天門夕照詩

寶香山 在縣西南九十里相傳慈忍尊者過此手焚異香因名一名石人山有白玉泉流入澁水見通志

歇帳岡 在縣西南八十里任家集東一里相傳關帝過此有小廟

青山 縣南一百里望之如黛

倪子山 縣東南四十五里昔有倪姓者居其址按章志

於倪子山之下曰又東南曰五華山去縣六十里富水郡志云屬京山又按明史地理志京山下註云皂角鎮在縣東南明安陸志京山縣圖於東南隅盡處繪皂莢樹一株豈皂市五華昔本屬京山耶

三州山 縣南登之可望隨郢復三州故名

石女山

縣西之山

撒石坂 去縣西五里

白谷洞 在縣西北五里有飛泉十餘丈下滙於洩水按

京山縣志

卷之一山

八

白谷洞有落杯潭相傳昔有某令宴客落杯於潭故名後邑人田在田者誤墜潭中其子田蘭入水救父俱殞焉邑人易眉川哀之樹石潭側以表其事因易名爲孝子潭云洞上有寺榜曰翠圍菴爲董文敏筆洞之東絕壁千仞蔦蘿蔽空上有摩岩三字曰青蔦巖亦文敏書今已剝泐矣寺左爲天繪堂階前娑羅木羅漢松各一皆高七八丈閣內有京山教諭大治舉人柯光澍遊記石刻又 國初諸老黎樵莊諸人詩集趙書石刻石厚尺餘臥於閣外

隍城洞 去縣西北二十五里趙滄記曰山間多岩盤旋寬若室屋內有小穴塞以塊石去石俯入乃一大洞虛明透濶可容數百人使君王公之邁榜以壺天遊者誇勝寺僧紹洪復於其側搜剔叢翳得小洞三意此洞久已湮廢自趙尋之而始知其勝所謂王使君者又加榜題皆以趙故其題曰容數百人亦巨麗甚矣然積骸滿室如趙所云殊可酸鼻今在隍城寺北

池河山 水經註云爲洩水所出縣志俱從水經註訛本作河池山今依四庫校本改正當卽今之花石岩也按京山縣志

卷之一山

九

花石岩在縣西北六十里

虎爪山 縣西三十里相傳曾有異人驅虎過此土宜治瓦器石灰資一縣

潼泉山 縣西四十里爲滋水源所出詳滋水條
橫嶺 縣西北四十五里寨子河出此

聊屈山 縣西九十里卽杜元凱所名山勢突起縣亘數十里一名蘆屈卽古聊屈山

沙子山 縣西一百一十里其上有沙石故名

石符山 縣西南七十里

磨石山 縣西南七十里禹貢蔡傳郢州長壽縣磨石山發源東南流者名滋水又名汭水章志同按磨石實縣山而蔡云長壽長壽與縣接境理可通言

月掌山 縣西南八十里其形半類月半類掌

橫嶺山 縣西八十里一名五泉山有五穴出泉湧如鼎沸

臨溪山 縣西五十里

縣北之山

張良山 去縣七八里巒嶂隱嶙上多草木峭壁間有橫

京山縣志

卷之一山

十

逕多馬迹山足多鐵彈丸土人時得之其陽卽縣爲縣屏障太平寰宇記言山有張良走馬路至今不生草木舊傳留侯在此駐兵按富水郡志半圖有走馬山全圖有張泉走馬今縣北二里許有白馬廟土人謂張良乘白馬下而走此後人爲之立廟大抵卽張泉訛而爲張良好事者曲爲之說耳其山當爲走馬山然所謂張泉走馬亦不審其何因或云山下居人偶同留侯姓名耳扈家山 縣西北十五里宋有扈姓者居此因名其上有砦土人時獲砲斧之類

勝境山 縣東北三十里峻聳俯諸山其上多林木前臨
溪水有觀據其巔自冬徂春禱祀傾潛景

白沙山 在縣東北六十里

芭蕉山 縣北六十里上有芭蕉故名

石人山 縣東北七十里山腰有石狀類人

老龍洞 縣北七十里岩高洞敞容數千人水流經其中
深遠不可測明末土人避兵於此全活者眾

香山 縣北八十里遠望數百里外西下爲白竹畝有尙
氏先塋

京山縣志

卷之一山

十一

太陽山 卽水經註沔水篇瀕水篇所名去縣北九十里
諸峰際空登之則諸山又纍然俯挹其上多猿鹿其陰
多黑鉛 宋書柳元景傳副沈慶之征鄖進克太陽
青巖 在太陽山西北有溪水徑其下多草木蒼壁巉岩
如堵牆遠視之形色正青

興陽山 去縣一百里其下有周侍御先塋

章志

花山 相傳靈濟祖師過此百草皆花稍下有天王觀卽
靈濟道場

大洪山 縣西北一百二十里水經瀕水篇註大洪山在

隨郡之西南竟陵之東北槃基所跨廣員百餘里爲諸嶺之秀山下有石門穴中多鍾乳湏水出於其陰故亦謂之湏山云又爲鍾祥縣豐樂河源所出

摩旗山 縣西北六十里上有觀元揭溪斯盧摯程文海有記遊詩有程文海碑

雞籠山 縣西北九十里形類雞籠

白水巖 在雞籠南五里許截山腹而立高千餘丈廣數百步洞壑瑩拔有泉從岩上飛流望之高寒如百尺練

霍口山 縣西北一百里有霍姓者居其下故名

京山縣志

卷之一 山

十二

附見諸山

凡四至接壤諸邑有相交涉者及京山志不載而旁見他邑志者悉錄之

無風嶺

陡山

章山 舒成龍荆門州志云章山一在臨江章防辟穀處一在郢東京山西驛亭一在郢州卽州東內方山之章山

角陵山 見縣志沿革攷未詳所在 以下俱未詳所在者

雙峰山 見志祥瑞門未詳所在

雞冠山

水

京山皆溪澗之水城南小河爲縣河所名卽洩水也春夏雨多山水紛下秋冬但滙諸泉流出天門之皂市而出湖惟佘家灣小船駁運上下水底小礎厯落僅及南河大橋而止過此則亂石湍急無可挽行外河船從無一至縣東北六十里曰宋河鎮分汛巡檢駐焉鎮西大小富水滙流逕應城縣黃家潭南入漢川縣河歸漢水底皆細沙四時船集故頗繁盛

又宋河東北三十里曰平壩市章水南流經安陸縣界楊京山縣志

卷之一 水

一

家河又南流入澗而入于漢水底多石惟春夏水漲船間至焉

縣西南鍾屬鄭家橋小河南流十餘里至京屬陸家砦又四里至南河又八里至永澇河又八里至拖船埠又三里至金河灘又五里至天門之觀音湖水底皆沙土小船隨時上下米豆流通又查至拖船埠以西舍舟登陸亦進府城之路也

以上四條皆叙水之通舟楫處以下分叙水之發源滙流處

縣河之水

縣城南水其源出縣西北六十里花石巖谷中富水郡志曰回河安陸志曰縣河今攷酈道元水經註洩水出竟陵郡新陽縣西南池河山東流逕新陽縣按池河山卽今花石岩注曰縣西南者誤也新陽卽今縣治至是而河之名始正

又西北逕堰堤口諸泉入焉又東南逕閣流鋪爲閣流河又西南逕橫嶺鋪北爲姚家河橫嶺及圓通寺水峽口諸水從南來注之

京山縣志

卷之一 水

二

又西得花苑臺泉其水發縣西北三十里沸湧甚洌溉田千頃南流爲葉公橋過古文臺東南逕靈覺廢寺合容城河水及西十鋪河水入洩

又東會丁家冲泉泉出縣西北十五里東南流爲七里橋河入洩

又會五里橋水水出沈家泉逕惠亭山山南北諸水注之又會機紡橋水東爲漂絲潭縣舊有絹役明嘉靖初罷又會三女橋水水出縣西北十里馬跑泉富水郡志曰虎跑泉相傳關將軍於此駐兵乏水士卒渴甚夜有虎咆

哮馬驚跑地因得泉東南流爲司戶潭去縣八里界兩山間深不可測昔有曹司戶者禱雨在此弗應司戶委身潭中須臾雨降故名又東南與張良諸泉滙爲河逕縣西郊達洩

又東爲多寶鐘潭去縣南里餘深數十尋方廣丈餘宋時寺燬於盜有鐘自烈焰中躍入今河改潭湮

又東過縣城南得會仙橋水發源張良山南流逕多寶寺下歷縣東門數十步許爲會仙橋河又數十步入于洩又東爲二龍潭相傳宋時有兩龍躍此又東受祈兒橋水又

京山縣志

卷之一 水

三

東得塌橋水又東南香山舖歐家冲諸水從南來注之又東得八里頭東十舖諸山泉又東受京源泉泉出京源山

又東會湯頭泉卽一統志温湯水出縣東南十五里温沸可浴氣如硫磺內有小魚游泳其中流稍遠則冷若寒泉入洩餘見古蹟志按水經註潰水下云潰水又東會温水出竟陵郡新陽縣東口徑二丈五尺其熱可以燂鷄蓋指此水也應城之湯池在縣東境上熱視此更烈然俱不入潰姑存疑

又東南龍王冲諸水從南來注洩

又東會觀音巖泉出山頂南流瀉洩

又東南爲滾鐘潭縣東南三十里富水郡志云在李家山後耆舊相傳背有寺鐘忽自樓出滾入此潭所歷草皆偃生

又東會苦竹泉泉出苦竹山南流爲老女河注洩

又東得盧家諸泉同入于洩

又東南爲三里壩七里壩水注之

又東楊家冲泉從南來注之

京山縣志

卷之一水

四

又東得石激河水水出雷家冲丁家冲禪房山諸泉滙爲河富水郡志曰石激今訛爲石橋流十餘里又曰赤脚湊洩又東得汪家泉于是東流二十里逕景陵縣楊須埠皂角市遶五華山厯霄城畷播爲蒿臺湖入沔按水經註云洩水東南流注霄城縣大湖又南入于沔是曰力口霄城古竟陵隸縣齊以封劉懷珍蕭寶宏梁以封范雲俱爲食邑曰笑城傳呼乖實耳沔陽志云蒿臺湖達回河入漢回河一曰會河卽洩下流富水郡志亦以洩爲回河洩與回聲相近但沔陽志謂其河自安陸直

河東經皂角市者是以直河爲洩之源誤矣或以洩爲景陵城隍臺河而別列會河不知二水同出而異名不可分言也按洩自皂市訖縣皆可行舟顧灘磧險隘遇水溢牽挽而上亦檣櫓襍集稍渴卽橫臥磯頭坐望山雨矣王太僕曰聞之耆壽云異時皆有壩閘數處蓄洩啟閉畧倣今漕河之制後悉毀頽蹟猶存誠搜而復之則舳艫估客當無讓東南澤國夫轉漕通商政道所亟後之君子修而復之利賴寧有已哉

宋河之水

京山縣志

卷之一 水

五

富水縣東八十里卽水經註所謂大富水小富水者也又云俗謂之大泌水又云大富水出太陽之陽南流而左合小富水小富水出山之東而南逕三王城東曲而西南流右合大富水正符今水道但二水不專出太陽蓋並發大洪山白龍池繞金剛坡分而東西流東流者逕牛角尖過小富街東南逕天生堰堰處四山中無泄處其中多牙牙魚善兒啼人不忍捕恐卽山海經所謂人魚爾雅所謂鯢聲似小兒者也又東南逕查山廟土人云其神三王豈卽漢三王之謂耶

又東南爲漩潭又南逕賀家畷車灣泉水壩
又東南爲獅子壩龍王壩又東南至青鷲口與太陽山泉
合泉出山頂下注但家冲歷太陽畷折而西南流與東
河會卽富水矣

小富水又東南歷沙子畷雷家港至霍河口而與大富水
會

西流者過白巖山東南得潮水泉泉出金子山隱石間日
再潮潮則有聲如雷少頃汎濫聲息乃退

又東逕黃金窪得其泉水又東南逕霍口及許家山又東
京山縣志

卷之一 水

六

過紙厰山人善造紙又東南過三步嶺又東南逕羅
漢嶺俗傳張果曾經此洩其土野人取以造酒可代麩
又東南逕五臺山得其水又東爲冷水港

又東爲大河頭太陽南谷中水從北來注之陡嶺及草鞋
嶺諸水從南來注之故名大河卽大富水矣
大富水又東西逕潭濱河至霍河口而與小富水會二水
既合是曰富水河土人又謂撞河當繇霍流交撞也

富水東南逕鷓子巖又東南得師故泉泉出山頂飛流聲
聞四五里相傳有僧結菴於此坐斃故曰師故又東過

石人山

又東得新羅泉泉出山中嘗有新羅僧居此語眾欲歸有神止之僧言思鄉中水神指其地泉卽湧出僧嘗之味同故鄉僧又言思故鄉魚神復指水得魚魚形皆纖細色斑目赤僧遂不思還

又東南得鮑家河水出符驗山又東爲宋家河又東爲龍門潭又東南逕富水寺東寺卽富水廢縣水經註所謂富水逕新市縣治者是已又東南過滴流坡有小聚落又東得魚子港水又東逕東嶽觀觀故元時旗山鎮巡簡

京山縣志

卷之一 水

七

司今廢又東南與鮮洪港水合水出興陽諸山又東南爲許家壩又東南三汊右合石板河

石板河卽宋石底河出院山東得長冲諸水又東南逕勝境山得水洋泉泉出山下至天王寺滙爲河東南逕界山坡又東南得白牛泉石家泉二泉出山中至屈家壩注石底又東南得田家泉又東南逕楊女臺至三汊右合富水以二水交流故號三汊

三汊水東南逕七里畷又東南歷應城縣胡城畷又東南過胡壩巡簡司又東南過應城縣治西又東南爲黃家

灘至百步口注沔

平壩之水

楊家河去縣百餘里在富水之北水出大洪山黑龍池東南逕隨州剩場入縣界逕平壩市又東南逕號子嶺土人善號歌故名又東南爲翻車潭相傳孔子適楚經此車翻故名又東南逕千鍾畷爲金鍾潭又東南過陳子畷至應城縣死河口左合澗水又東南逕高樓山至劉家隔新河口達沔所謂澗口唐人詩曰暮雨不知澗口處是也按水經註謂富水東入于澗今入澗者楊家河

京山縣志

卷之一 水

八

而富水與楊家河絕不相通酈蓋未之深考矣又文獻通考云京山隋時有漳水今不詳所在惟沈存中筆談云安州有漳水又云漳澗合流今楊家河與澗合豈通考所指卽此歟

縣西之水

寨子河出縣西北八十里橫嶺嶺有泉五泓故謂五泉湧如鼎沸注田甚溥南流滙爲河至聊屈山西北與官橋水合水出路南諸山逕官橋舖西流逕郢東驛屈而西北注寨子寨子又東南逕聊屈山西南爲長灘河皆不

通舟左合白水

曰水卽昭王所涉成白也土人謂之曰成河富水郡志謂有鹿湖池在聊屈山之麓其池間深不可測相傳昔有白鹿入水歲或乾旱禱之輒應遂封其神龍爲善利公乾道二年郡守王世顯以狀上於朝加封善利顯祐公卽此南流得柳門松門二泉又南與溫泉堰水合水出青崗冲又南至廖家嘴右合長灘河逕鷄子口羅家堰大湖口至陸家砦合司馬河水注小河縣西南之水

京山縣志

卷之一水

九

小河漢支流東北八縣界者也逕穴河寺高家泮楊家灣紫荆潭又東爲南河又東南逕拖船埠此處可以行船下通天門鯉魚嘴

又東南逕青山又東南爲景陵縣魚新河至景陵縣治南謂之義河東南復入漢

漢水過縣界者起白口驛北瀕縣界東南逕茅草嶺小河口沙洋新城多寶灣丁家河凡九十里許爲潛江縣境又東南至呂家灘逕觀音寺亦瀕縣界凡一十里許

三澁水發磨石山者名司馬河源出仙女洞山泉滙爲河

西南得倒灌溪水出牛筋陂北四面俱山畧與天生堰同遇水溢則其旁田皆沒居民刑羊豕以禱之立涸有人以糠粃投之則出仙女河也仙女河又南逕纂子山得卓錫泉又南得龍泉菴泉出菴後遶而西流漑田百畝注仙女河仙女河又南過磨石山屈而西流爲司馬河旁有司馬墓又南逕蒲圻寺又南爲夏洋港逕楊家淦至陸家砦合長灘白水名三汊河注小河此一澗馬溪河發源趙橫寺黑龍洞廻而東流灌注甚廣南逕馬頭山臨溪寺又東南爲官橋河又東南爲馬溪河此

一澗

京山縣志

卷之一 水

十

縣南之水

石家河發源空山洞如意寺甘家冲南流爲雙河口爲雷公潭逕白土苑又東南爲石家河此一澗

合馬溪河至黃土灘並注景陵縣河景陵人亦謂之三汊口通上司馬河名三澗唐皮日休有三澗漁歌詩左傳有句澗雍澗漳澗遠澗或以爲卽此按杜元凱以句澗爲楚西界漳澗在漳水邊夫春秋時京山非楚西界漳又在當陽似難強合唯左傳吳與楚戰楚濟漢而陳自小別至於大別而吳兵大敗楚師於清溪又破諸雍澗

遂入郢及敵師還楚左司馬戍亦敗吳師於雍澁詳其師行之路似與此合則雍澁或三澁之數也然書言漢過三澁今三澁所入特漢之支流何耶蓋禹時初脫沮洳漢流猶廣自小河以南通謂之漢矣又漢東諸水可稱者眾而書不言獨稱三澁何歟蓋水初平時諸水猶未可辨識唯此出叢崖中顯敞易見故顛揭之耳

支水附見三澁東又有柳家河河本在景陵界而發源京山東南三十里湖山寺西北有泉流十里許會綠水堰泉泉出兩山中灌田數十頃又東南過泉激寺又東南京山縣志

卷之一 水

十一

過帥家泉又東南爲雲潭河京山界盡此又東南爲柳家河入風波湖至圓湖口達漢

小河北有土橋港水出大脊山東南與珍珠泉合泉出山中沸如珠湧聞人聲愈大民資灌溉

縣東有五龍河河本在應城界而發源京山東六十里有三水一爲王家泉出大月山東南滙爲寺畝河寺卽舊天王保福院又東爲蘇家河華家河一爲靈濟泉出靈濟山東南滙爲清水壩一爲梅花嶺諸水及盤石寺諸泉滙爲石滾壩又東南爲四龍河與華家河清水壩二

水合入應城爲五龍河入三臺湖達漢攷唐書地理志
富水縣有白沙山在磨旗山後舊引宋志程演職方機
要云白沙山卽白沙水所出而水經言江水東得白沙
口謂白沙入江處今攷水經註白沙水本在蒲圻江夏
間去此數百里沔陽志又言白沙在其州北二里爲宋
置玉沙所由得名則知機要誤也又水經敖水註云水
出新市縣東北又西南逕太陽山西南流逕新市縣北
又西南而右合枝水今攷敖水本出大洪山西南流合
枝水入沔鍾祥人謂之直河實不於縣境經過豈古新
市疆域固出鍾祥外歟然太陽固今縣山也姑記以俟
博古之士

京山縣志

卷之一 水

十二

湖湖小河南有泗水卽泗汊湖去縣一百二十里縣南諸水
所聚其中多魚多菱荷東南注于漢曰武當口

小河北有西陂湖去縣百里有楊林湖去縣八十里有布
袋湖去縣八十里有古老湖有鷺鷥湖有赤馬野豬湖
去縣一百里六湖俱東南入小河

陂塘縣自諸水泉漑浸之外民各度地宜穿埭堰以資灌
注蓋有二千九百九十區其大者曰紅水堰曰王家堰

曰沙陂堰曰港東堰曰季四堰在呂府 曰真武堰曰
貞再陂曰魯班堰曰千工堰在富水 曰南昌堰曰夾
鼓堰卽西陂湖上流在羊亭 曰綠水堰曰古陂曰木
龍堰在七寶 曰西大石陂在子陵 曰東大石陂曰
南莊堰在白陽 曰蔡家堰在寶香 曰蓮花堰曰三
口堰在辦頓舊于三十一里里設塘堰老人一人典其
里水利凡決塞侵墾之事悉令督察之而以時上其事
于縣自非大曠農用頗裕

舊志曰易有之地險山川邱陵也禮云諸侯祭封內

山川以表賜履亦耀隣之義然無德而恃險斯益其
疾矣其唯原陸天地之氣無所扞格如大冶鍛金形
氣渾然至限以廣谷越以大川氣候壅於往來地形
少間矣惟邑山川壯密地勢遙阻整齊者相時而利
導之當不止與他邑埒若取山澤之畸爲遊觀之具
吟眺景物此相沿載籍有識者之所畧不足論也
按京山爲瘠苦之區輿地雖廣而四境大半是山不
出土產僅只棉花穀麥三項麥但敷本地農食花穀
有餘則販運出境然每苦旱乾其小收之年又苦舟

楫不通肩運小貿爲利亦微又山盡黑石沙谷間有土肉厚者亦只產松栗雜木供薪炭而已北鄉山出菓木宋河尙有雪油庄又有小河可以行舟每年由漢口運錢進售者約計十有餘萬故稍稱繁盛西南則地畝坦平濱臨漢水內河小舟來往豆麥流通民間搬運稍資周轉然猶恃堤防穩固得保田廬優遊太平否則竟成巨浸時抱隱憂云

沿革

京山在古荊州域禹貢言雲土夢作又按禹貢雖指京山亦在雲夢之區又過三澨按三澨發源縣西南是爲縣地著蹟之始定公四年楚昭王奔隨濟於成臼卽今臼口鎮水源出聊屈山如臼形因名焉聊屈今縣西界秦昭襄王八年使芊戎伐楚取新市裴中郎引晉帝紀曰江夏有新市縣是爲縣著名之始然是時縣尙未建特聚落之名耳二十九年使白起攻楚取郢爲郡新市如故屬南郡据文獻通考漢初項籍分共敖爲臨江王都江陵縣在國內五

京山縣志

卷之一 輿地

一

年國除高祖分南郡置江夏郡前漢書地理志江夏所統縣有雲杜雲杜卽杜元凱所指以繫郢城者夫郢在雲杜東南晉史桓元之敗桓振與苻宏出自郢城襲破江陵劉懷肅自雲杜伐振等破斬之据此則是時郢城尙在不與雲杜同治又水經沔水註竟陵西有景陵大城古郢國也今景陵縣西三十里有巾港港西有城多荒圯其地形正與水經註同則郢城當在景陵西三十里外又註新陽縣治雲杜故城新陽卽今京山縣治則雲杜故城爲今縣治正在郢城西北六十里與杜凱郢註亦合然則是時京山

雖未立而縣治已有定區矣東漢更始元年新市人王匡
王鳳起兵擊破荊州轉擊雲杜安陸按水經註新市縣有
三王城爲王匡王鳳王常屯兵所今縣東北太陽山東故
址猶存後匡鳳入南陽號新市兵光武定天下分安陸地
立南新市侯國屬江夏郡時中山鉅鹿有新市故此加南
以別之而雲杜如故漢末劉表據荊州江漢悉附及劉琮
降荆襄盡爲魏有魏武敗赤壁與吳蜀三分諸郡江夏入
吳吳孫皎代程普督夏口賜沙羨雲杜南新市竟陵爲奉
邑晉惠帝元康九年分江夏置竟陵郡治石城新市屬竟

京山縣志

卷之一

輿地

二

陵雲杜屬江夏晉書汝南王亮之孫祐傳以江夏雲杜益

封劉宋景陵太守所統有雲杜有新市子相有新陽男相

水經沔水註新陽治雲杜故城

舊志作胡城今依四庫校本改正

分雲杜

立蓋雲杜取雲土夢作又爲名地最大鍾祥沔陽俱錯爲

雲杜地

通志

至是始分雲杜之北境縣東南地立爲新陽曰

新陽者取新市之陽云爾武帝時庾悅死追封新陽縣五

等男齊高帝封紀僧貞爲新陽縣男改二縣隸安陸郡郡

治今德安梁普通中田金生據新陽討平之於新陽立新

州梁甯郡而分荊州之武甯郡來屬南新市如故大同先

年以皇孫當陽公大心出爲使持節都督郢南北司定新
五州諸軍事大寶元年西魏開府楊忠執司州刺史柳仲
禮於滌頭盡沒漢中之地而新入西魏梁元帝與忠盟曰
魏以石城爲封梁以安陸爲界是也廢帝三年宇文泰秉
政置州郡縣於是改新州曰温州以界有温水卽今縣東
南十里湯

堰新陽曰角陵以縣有角陵山又分角陵地置縣曰盤陂

今縣東南三十里盤陂畷是也改南新市曰富水以界有
富河又置富人郡治焉而以角陵入之李太
初云章懷太子謂

新市故城在富水縣東北則新市與富水各殊按宋河有

京山縣志

卷之一 輿地

三

富水寺東寺卽富水廢縣舊址碑猶存是時都州立分州
屬武甯郡隸之後周高祖天和二年裴寬爲温州刺史後
又以鄭萬頃鄭子規爲温州刺史建德四年封齊王緯爲
溫國公五年分南郢州之宜人郡來屬一曰宜民靜帝初
鄭州總管司馬消難以鄭隨溫應士順沔澧岳凡九州及
魯山等八鎮降陳後爲王誼所破諸州復爲周項之隋文
帝爲王以隋州之崇業鄭州之安陸城陽温州之宜人等
郡合二十郡爲隋國旣受禪以楊文偉爲温州刺史開皇
三年罷郡縣隸州富人梁甯二郡皆廢大業三年又罷州

爲郡温亦廢改角陵爲京山以界有京源山省盤陂入焉
隸安州安陸郡蓋至是而京山之名始定唐武德初縣入
唐復於京山置温州以縣及富水隸之貞觀八年以長壽
來屬十七年州廢以郢州移理於京山未幾還治長壽二
縣隸焉開元十一年以天下十道分十五採訪使郢州及
二縣屬山南東道昭宣時山南東道屬楚王趙匡凝及梁
太祖遣楊師厚伐唐取其九州而郢在其中開平四年二
縣隨郢隸鄧州宣化軍自是訖周二縣常屬中國事具歐
陽永叔史譜宋乾道二年省富水入京山仍隸郢州蓋至

京山縣志

卷之一

輿地

四

是二縣合而縣之疆域始定太平興國二年罷節鎮與郡
直屬京師三年分屬京西南路郢與鄧隨金房均唐七州
隸襄陽府靖康之亂霍明據郢州紹興初爲僞齊所有其
將京超守之岳飛以兵復郢州縣復歸宋淳祐十二年元
兵攻隨郢安復京西馬步軍副總管馬榮戰嚴竇山再戰
縣境銅冶坪又戰子陵大脊山咸淳八年荆湖使統制張
順張貴帥師救襄陽不克死之詔荆湖制置移司郢州將
帥悉駐新郢新謂京山蓋追述故名也十年元伯顏南下
越郢弗攻進破縣南界沙洋堡屬荆門州擒守將拔新城德祐

元年元至元十二年郢州安撫趙孟以城降元縣入於元先是縣因兵亂徙治漢濱至是還故治十五年州升爲安陸府縣隸如故屬河南行省順帝末陳友亮起沔陽縣境所在寇亂明太祖稱吳王時取安陸縣遂歸明頃改安陸爲直隸州縣隸如故屬湖廣行省九年改布政司司分各道州與縣隸下荆南於州封郢靖王永樂間封梁莊王成化時封興獻王弘治六年就國莊田多在縣界辦頓白陽羊亭諸處正德十六年世宗入踐大位嘉靖元年封駙馬都尉崔元爲京山侯十年州升爲承天府縣仍隸焉十八

京山縣志

卷之一 輿地

五

年世宗車駕幸承天縣人往伏謁者萬計賜租三年崇禎六年賊入楚往來縣境無甯日十六年癸未正月朔府衛皆沒於賊縣官民棄城走賊至設僞官據邑者二年

大清順治二年王師勦賊賊望風遁縣入版圖改承天爲安陸府縣屬焉府統於荆西道守巡各一康熙三年分置湖北布政司六年裁巡道又裁守道轄於荆南道十三年轄於安襄鄖荆道云

沿革表

世代

國

郡

縣

項帝 起至

夏

商

周

荊州域

春秋

楚

鄖子國地

戰國

楚地

秦

南郡地

新市

西漢

荆

江夏郡雲杜縣地

新市

東漢

荆

江夏郡雲杜縣地

南新市侯國

京山縣志

卷之一 輿地

六

三國吳

江夏郡

南新市縣

魏

江夏郡

南新市縣

晉

荆

竟陵郡雲杜縣地

南新市

劉宋

新陽縣

南齊

新陽縣

梁

新州

梁甯郡

新市縣

西魏

温州

梁甯郡

角陵縣

富水郡

盤陂縣

富水郡

後周

温州

梁甯郡

角陵縣

富水縣

盤陂縣

隋初

安陸郡

京山縣
盤陂省入富水縣

唐

山南東道

温州

京山縣志

卷之一

輿地

七

京山縣 富水縣

郢州治

京山尋還長壽

京山縣 富水縣

五代梁至

五代周

京山縣 富水縣

宋

京山縣
富水同五代

元

湖廣行中書省荆湖北道

京山縣
隸陸安府

明

湖廣行省

洪武九年改置湖廣承宣布政司

京山縣
隸安陸州洪武廿四年改屬河

南未幾還屬安陸州改承天府

國朝

湖廣

康熙三年分置湖北布政司

京山縣

改承天府為安陸府縣隸焉

論曰九州之紀尙矣自秦取十五國而郡之漢唐以來
區分表畷弗可得詳矧以一邑量於天下之數儲一稊
耳上下古今莫知紀極桑柘之野蛟龍淵之崇阿複嶺
之間跛牂牧焉浮雲變化百年一瞬矣故嘗歎京之為
縣也始北而終南本異而未同創革屢更規圍始合然
盛衰損益者存乎形通變整齊者存乎德地以人靈時
由事泰斯產焉宦焉者均與有責焉而憂世君子何能
無望

京山縣志

卷之一

輿地

八

風俗

嘗讀古載紀春秋元命苞曰軫星散爲荊州分爲楚國荆之爲言強也陽盛物堅其氣急悍也釋名曰荆警也嘗警備之也史記貨殖傳曰西楚其俗慄輕易發怒□薄寡於積聚揚雄刺州箴曰風慄以悍氣銳以剛前漢地理志曰楚有江漢川澤山林之饒民食漁稻以漁獵山伐爲業故啻窳偷生而無積聚飲食還給不憂凍餒亦無千金之家信巫□重淫祀凡此皆備言楚俗者也圖經曰風俗同荊州清明節鄉落土度唱下調歌宋石才孺考古記曰其民

京山縣志

卷之一 輿地

九

樸其俗儉其土饒粟麥其產多麋鹿有西北之風聲氣習凡此皆摘言郢俗者也唐劉丹西郭橋記曰楚郢之境東馳京嶺古風遺事淒然不變宋程祁學記曰京山地廣以遠民能自止於務本耕鑿織紵循楚之舊孫司徒舊志曰邑多山泉民引泉爲機以椿爲磨有累世業儒之家人樂爲士有父子兄弟一時遊庠序者或父兄科貢出身卽子姪繼之凡此皆顛言縣俗者也嗟乎畫野爲邑上下千餘年以所親見參較前聞皆摹刻形似錙毫契合諸君子可謂知言矣然而風會有轉移陶染有漸次水土有厚薄化

導有臧否百里不能以同風百年不能以沿習執一隅之論而欲齊風訓於桑田屢變之後雖羲皇沕穆之教且難之請畧推其可言者以附於古人昔聖王疆理天下皆因山川所隔閼風氣所鍾萃性俗所嗜好然後制爲城聚設爲政教因其人情物理而利導之故爲之民者相安相養而亡拂情逆欲之憂縣自新市繇安陸分立新陽繇雲杜分立封畧土宇政令趨承判然不一迨至其後二境一家漸次馴習顧其間谿谷之向背塗路之險夷終有南北之殊縣境三面阻山山高谷廣不能多得田且壤瘠不能多

得穀雖鉅室鮮儲蓄稍有餘則易田授貧人耕之而收其租以供稅貧者則佃耕富人之田而私其租以供食殆貧富皆無全力也民鮮淫巧工多粗劣且不能爲逐末計日用所需惟徽商操其緩急而收其厚利焉其積漸也久矣至若歲時節令元旦夙興放火爆乃啟門燃香燭望空而拜次拜祖考次乃尊卑長幼以序爲拜拜畢出大門向吉方行自此宗族親戚互相往拜至三四日而止元夕張燈街市起十三夜至十六夜止簫鼓喧闐士女雜遝爲看燈會立春前一日縣令會各官出東郊祭芒神迎春至縣儀

門外土牛南向芒神東向各官朝服祭神獻祝畢各執綵仗擊土牛者三鄉人各取其土以助宜年清明前一日爲寒食節無論貴賤俱拜墳祭掃挂紙錢於上四月八日爲浴佛會僧家造青精飯相餽遺是日農家覘晴雨以卜旱澇五月五日插艾及菖蒲食角黍飲雄黃酒或以酒瀝塗小兒眼耳鼻諸竅遇豐年則龍舟競渡三日乃已六月六日曬書曝衣汲水造醬農家云是日喜晴雨則秋霖害稼七月七日祭送新亡人十五日設牲醴庶羞薦先祖八月十五中秋相邀飲酒具菓餅爲賞月會九月九日登高眺賞

佩茱萸飲菊酒十月朔設香楮酒飯祭鬼魂之無祀者農家蒸米作糕祀土神蓋春爲祈穀此爲報賽也冬至節士大夫家或交拜相慶民間則否伏臘之月二十三日夜然竈燈供茶菓草豆以祀竈二十四日掃堂塵後數日親友交相餽遺謂之餽年除日具牲醴祀家神祖考於中堂曰送年換桃符貼春聯接司命向家長拜慶謂之辭年飯蒸數日之炊曰宿歲飯儲水令足新年數日之用是夜祭門祭竈牛馬廐皆貼紙錢次第而畢男女圍爐而坐曰守歲夜放火爆設香案列燈燭茶菓越歲三日取其錢焚之曰

燒年紙于是士農工商各司其事矣恒俗所習繁簡間有不同大都如此李大泌嘗言成化宏治以前縣之俗椎魯少機械有小忿輒能遺恕其讀書者雖被儒服亦長厚食不重味衣無綺紈宴會招賓幅紙傳視羅短案妻子出拜刺刺語不爲嫌長老有事後生執役若童奴其忠厚少文如此自後生齒繁多機心蝟起強弱之勢分侵食之計出巧文武斷愚民斂手致當道有俗美下移之嘆而縣之風俗一變矣自後密邇都邑車馬繁會五方奇巧遞相慕尙加之商賈負販坐食富厚百工技藝雜然並集而風俗又

爲之一變嘉靖之季士敦其習民念其家漸復淳龐之舊山谷遠氓有尺布括首不知節候者有老死不見邑庭者有孤嫠赴縣投牒得理而起拜者遺黎故態令人可喜至高貲甲姓則貸錢取息多從寬假達官顯宦往往患難相扶才美相譽其或懸車谷臥亦能脫畧勢分譚宴叙晤蓋俱能不忘其本性也慶歷之季典型未泯而灌仲儒家在潁川武安侯賓客聲樂田宅心漸目染成俗其民獷悍健訟或奮發一朝奮螳臂不肯俛首臣僕延及啟禎桑梓每多荆棘士類好作歌謠甚至下流訕上逐波煽焰如章志

所云未幾城陷於寇玉石俱焚惟見劫火青燐東流白水而已乙酉而後令甲維新邑染猶舊廝養輿隸虎哮鴟張橫索月錢以饜私幫當時薦紳削色縫掖俛首不止閭左膏血銷耗立盡也幸當道軫念廓清攬轡埋輪霆擊睨消馬則歸官夫則計程而三戶孑遺甦緩須臾耳至於渫惡民乘小忿含沙網利挺身代控假籍越訴或居間爲奇貨轉相慕尙箕箒之訟村市爲空三尺法安在邑無論紳士中人稍自給必有僮御衣食長養久故世亡相背異時田連阡陌或游于通顯齒于文墨而終弗忘其本兵燹後疾

視若敵自廉察之懲戢數數焉而冠履蔑易置矣迨後湖鄉隄決邑受水地無十之一而強徵協濟自是邑愈貧困畝餉之派攤報過差輓芻輸芟凋瘵未起隄防又亟築而亟潰焉罄懸壁立蕭條特甚矣維昔之日雖循良相望乎然或起家有西南之殊而逐末授廛之旅于茲者其袒遂分左右焉黃山白嶽之羣煽虐于國中釃酒釀金要盟植黨爭必訟訟必期勝而土著莫撓者幾何年矣況水旱相仍饑饉頻因里胥所過蕭然一空豈弟君子民之父母所宜爲推見至隱者耶夫美惡區乎俗邪正區乎人是非辨

于心若民惟以乘堅刺良爲榮以競躁喜事爲能不恥不信不惡無禮不嫉訕上黑白謬戾可否炫雜無乃陷溺深於心而澆漓成於俗歟夫百姓盡力於南畝士篤志於庠序之教而曰風弗厚俗弗美未之前聞也

國家世際昇平治還純樸良司牧撫而字之度而富富而教厥有所由故縷述舊志參綴覩記一足以勸一足以戒至子闕本澄源則于賢哲君子有厚望焉

王鹿柴曰風莫純美俗莫厚美曷純曷厚以靜爲至耳千百年來今與昔不知幾變匪直近古之俗逸焉不存

京山縣志

卷之一

輿地

十四

卽求所謂民疾者今且爲才爲德不可復覩抑騷然而貧勢使然歟靜之不存實難輓矣然風會轉移司牧者當有責焉躬行禮教隱惡揚善本至誠惻怛以先之民是則倣而歸于純厚乎若夫家庭長養里黨漸摩挽惡薄而進道義則又存乎賢達相望毋獨爲君子而已論曰京山風俗李大泌宗伯論之詳矣道光年間士習詩書農安稼穡其有不士不農之人亦俱安守木分各習正業民間相安無事成豐甲寅變亂以後人稍知警尙不與人爲難至于今日不堪言矣一縣之中馴謹者

固屬不少樸素者亦閉門自守不惹是非而已其奸猾者則目無法紀強凌弱眾暴寡相習成風恬不爲怪然非民盡無良也亦非不畏王法也一村之中多有遇事生風者小事唆成大事大事唆成官事謂某事見官不得某事見差不得某事上城不得鄉民受其恐嚇若輩呼朋引類謂非某不行朋比爲奸必遂其欲乃止其弊由於鴉片盛行一人之計添此無益之費一日無米猶可一日無烟則不可鄉村如此城市之中竟有百餘處烟館合之至少亦需錢百餘緡由是子弟瞞其父兄私

上烟館無賴者得錢少許亦可自便而窩娼窩盜窩賭無不出焉矣又從前作書吏者尙無讀書之人近則士半爲吏矣欲厚風俗當知自別流品務正業存厚道習勤儉勿以詩書而廁刑名勿以僭冒而失本分勿以莠言而亂正事勿習邪教而壞人心是在良有司之責庶幾古道次第可復云

食貨

棉花 吳堰紗 紙

穀部

稻 凡二種曰粘曰糯色有赤白種分早晚民歲計需此最急

黍 凡二種曰早曰秋

稷即高粱 凡二種分早晚

小麥 大麥 蕎 凡二種分甘苦

菽 曰黃曰綠曰紅曰青曰黑曰蠶曰豌曰豉曰茶褐曰

京山縣志

卷之一 輿地

十六

小白曰泥鰱黃

胡麻即巨勝俗謂之芝蔴

蔬部

葱 莧 韭 芋 茄 瓠 薺 菌

菜瓜 冬瓜 南瓜 苦瓜 白菜 芥菜 蒼蓬菜

菠菜 大蒜 絲瓜 王瓜 蘆菔 甜瓜 白花菜

油菜 萵苣菜

魚部

鮮 鰕 青 白 鱧 鯽 鱧 草 鱖 魴 黃類

鰍 鱧 鰕 蟹 龜 鼈 近水者有之山鄉不多得也

禽部

雉 鵲 烏 鸛 鳩 鷺 鸛 鶯 鷓鴣 麻鵲

鶉 鴿 竹雞 鶉鴒 青鷺 戴勝 百舌 告天子

鷄 鵝 鴨 鷹 鷓 啄木 練鵲 鷗 翡翠俗名

獸部

馬 驢 騾 羊 牛 豕 犬 兔 獾 果子狸

野猫 水獺

藥部

京山縣志

卷之一 輿地

十七

桔梗 蒼朮 柴胡 苦參 當歸 木瓜 香附子

茺萸 薄荷 荊芥 紫蘇 陳皮 枳實 決明子

枳壳 青皮 蒼耳 乾葛 細辛 前胡 車前子

半夏 南星 大戟 芫花 蒲黃 茵陳 蓖麻子

百合 白芨 木通 山藥 楓香 石蜜 金櫻子

白朮 牛膝 木賊 山查 草薺 黃精 地膚子

石斛 瞿麥 澤蘭 金銀花 樗木皮 天門冬

麥門冬 桑白皮 白扁豆 山茨菰 地骨皮 紅藍

花 威靈仙 青木香 商陸根 黑牽牛 白牽牛

龍胆草 瓜萋根 馬兜鈴 南燭枝 馬鞭草 搗地
青 羊蹄草 五加皮 夏枯草 蒲公英 菘蓂草
石菖蒲 王不留行

菓部

桃 李 杏 栗 棗 梨 蓮 菱 芡 蘋果 柿
櫻桃 石榴 荸薺 葡萄 枇杷 香櫟 落花生
橘

木部

松 柏 檜 梧桐 椿 桂 梅 梓 楊 柳 荆

京山縣志

卷之一

輿地

十八

槐 檀 櫟 皂莢 桑 柘 棟 楮 榆 檜 栗
檇 烏柏 石楠

花部

牡丹 蘭 菊 海棠 芍藥 雞冠 薔薇 茶蘼
菡萏 石竹 迎春 木芙蓉 紫荊 紫薇 秋海棠
葵 梔子 瑞香 玉簪 萱草 金蓮 月季 龍爪
杜鵑 鳳仙

竹部

筍 水 斑 慈 紫 叢 苦 觀音 堅

草部

蒲 蓼 葦 茅 莎 萍 艾 藻 菖蒲 芭蕉

京山縣志

卷之一 輿地

十九